



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

Vita Sergii Papae IV.

urn:nbn:de:hbz:466:1-15625

CIRCA
ANNUM
CHRISTI
1009.
tunc temporis optimates se obseruatos fideliter spon-
debant; idcircoque ego, N. gratia Domini disponente,
Eboracensium archiepiscopus, eadem ad sequentium me-
moriā, nec non & ad præsentium vel futurorum salu-
tem, literis infixi, Domini videlicet proximique dilectio-
ne compunctus.

Archiepi-
scopus
Eboracen-
sis scriba,
seu cancel-
larius.

ANNO
CHRISTI
1009.

VITA SERGII PAPÆ IV.

SERGIUS, eius nominis quartus, post interregnum vnius mensis & tredecim dierum, pridie Kalendas Septem- bres, anno salutis 1009. tempore Henrici regis, ex episco po Albanensi creatus est Romanus pontifex, optimus pluribusque virtutibus exornatus. Hic ante Petrus nun- cupatus ob reuerentiam apostolici culminis nomen pri- stinum immutauit, & Sergius nominari voluit, ut patet ex sepulcrali inscriptione, de qua infra. Errat ergo Ditmarus, qui suo iudicio & assertione ideo id factum scribit, quod nomine non satis honesto Buccaporci nominaretur. Tur- pius falluntur qui huius solius pontificis exemplo poste- ros sua nomina immutare arbitrantur, cum ex preceden- tibus liquido constet, quod Ioannes XII. ante pontifica- tum Octavianus, Gregorius V. Bruno, Silvester II. Ger- bertus, nuncupati fuerint. Hoc iudice Libentio Hambur- gensi archiepiscopo controuersia, quæ inter ipsum & Ber- narium Verensem de parochiæ Ramsolæ subiectione a- gitabatur, & ob quam ille Odonem Romam ablegauerat, adiudicata fuit. *Adam.*

Nouatores
redargun-
tur.

Hoc tempore magno cum prodigo Romæ in quadam ecclesia oleum scaturit, ex quo vas aliquod impletum missum est ad Henricum regem. Rem gestam describit huius temporis scriptor Ditmarus lib. 7.

Res gestæ
sub Sergio.

Anglicanam ecclesiam Dani persequuntur. Ex clericis & monachis nouem occisis, strangulatis, aut per verenda suspensis, decimum quemque vitæ referuarunt. Sanctum Elphegum Cantuariensem episcopum post multas carceris & vinculorum iniurias glorioso martyrio affecerunt.

Persecutio
ecclesie
Anglicanæ.

Sergius papa, cum sedisset annos duos, menses octo &

Obitus Ser-
gi.

dies tredecim: obiit 13. Maii, anno salutis 1012. sepultus est in basilica Lateranensi, cum hac sepulcrali inscriptione:

*Quisquis ad hæc tendis sublimia limina lector,
Et caperis tantæ nobilitate domus,
Intentis oculis aulæ percurrere raras
Define materias, arte iuuante manus.
Lumina cum gressu prudente * secula coercens,
Respice sollicitus quid velit hic titulus.
Hic tumulata iacent pastoris membra sereni,
Quem decus ecclesiæ contulit Omnipotens.
Pauperibus panis, nudorum uestis opima,
Doctor & egregius qui fuit in populo.
Iura sacerdoti lætas dum vedit aristas,
Cætibus æquauit nauiger angelicis.
Albanum regimen lustro venerabilis uno
Rexit, post summum ducitur ad solium;
In quo mutato permanxit nomine præful,
Sergius ex Petro; sic vocatus erat.
Ductus mente pia, Jesu, dic, parce Redemptor:
Vtque vicem capias, dic: Deus hunc habeas.*

*Qui sedidit annos 11. & menses 8. & dies 13. indictione x.
anno dominicæ incarnationis millesimo decimo tertio.*

S E R M O S Y N O D A L I S,

EX CODICE MANUSCRIPTO MONASTERII

Neresheimensis, scripto anno Christi 1009. quod ex verbis istis colligitur: Ab initio mundi usque in aduentum Domini secundum Hebraicam veritatem anni sunt 3956. secundum vero interpretes anni 5699. colliguntur autem anni omnes a creatione primi hominis usque in septimum annum Henrici imperatoris secundum Hebraicam veritatem 4965. secundum vero interpretes 6708.

Sermo synodal is qui in singulis Synodis parochianis presbyteris enuntiandus est.

FRATRES presbyteri & sacerdotes domini, cooperatores nostri ordinis estis. Nos quidem, quamvis indigni, locum